

Ipulong Dagiti Panangab-abuso Idiay Trabaho

Pudno iti USCIS a tumulong kadagiti gangannaet nga agtrabtrabaho ditoy Estados Unidos. Adu dagiti nadumaduma nga online a pangalaan dagiti impormasyon maipapan dagiti karbengan ken dagiti pakasaritaan maipanggep dagiti trabahador:

- [Dagiti Karbengan ken Proteksiyon para Kadagiti Saan a Permanente a Trabahador](#) (Departamento iti Estado)
- [Libreto iti “Ammoem Dagiti Karbengan” \(PDF\)](#) (Departamento iti Estado)
- [Dibisyon iti Sweldo ken Oras](#) (Departamento iti Mangmangged)
- [Linteg Maipapan Dagiti Proteksiyon Kadagiti Gangannaet ken Panapanawen a Trabahador a Pang-agrikultura \(MSPA\)](#) (Departamento iti Mangmangged)
- [Dagiti Pakasaritaan Maipapan iti Kinatalged iti Pagtrabtrabuhan](#) (Departamento iti Mangmangged)
- [Dagiti Linteg ken Pakasaritaan Maipapan iti Trabaho](#) (usa.gov)

Tapno maipakaammo dagiti sapaap a panangallilaw iti imigrasyon, kitaen iti panid a [Dagiti Programa a Panangpasardeng Dagiti Panangallilaw ken Panangab-abuso Dagiti Dadduma a Benepisyo Maipanggep Imigrasyon](#) ken ag- email ka idiay: ReportFraudTips@uscis.dhs.gov

Makaala ka met dagiti impormasyon maipanggep iti [panangipuslit iti tao](#) itibaba iti daytoy a panid.

No masapul mo iti tulong ta agpeggadka ditoy U.S., **awagam iti 911** tapno makasarita iti pulis. Ipakaammo kadakuada ti emergency, iti lokasyon mo, ken iti numero ti telepono nga inusar mo. No mabalin ket dumawat ka iti mangipatarus no saan ka nga makasao ti Ingles.

No saan ka nga agpeggad, mabalin mo ipulong iti at-atapen a saan nga etikal wenna ilegal a tignay babaen iti panagawag iti numero libre nga telepono wenna panagbisita kadagiti webpage iti baba.

Ipulong iti Panangallilaw wenna Panangabuso Dagiti Agpetpetisyon Kadagiti Programa Maipapan iti Trabaho

- **Dagiti Serbisyo para iti Pannakipagili ken Immigrasyon iti U.S. (USCIS)**

Addaan dagiti webpage ken email address iti USCIS a naikeddeng tapno pasardengen iti panangallilaw ken panangab-abuso iti H-1B ken H-2B. Uray no sino, agraman dagiti Amerikano ken dagiti gangannaet a trabahador nga agat-atap nga isuda wenna dagiti

sabali ket mabalin a biktima iti panangallilaw wenno panangab-abuso, ket mabalin nga ag-email idiy USCIS tapno agited dagiti tip, maat-atap a panaglabsing, ken dadduma pay nga impormasyon. Para kadagiti dadduma pay nga impormasyon maipanggep iti panangipulong iti maat-atap a panangallilaw iti H-1B ken H-2B, kitaem koma dagiti webpage iti USCIS iti baba.

[Panangkontra iti Panangallilaw ken Panangabuso iti Programa iti H-1B Visa](#)

Email: Agreport iti ReportH1BAbuse@uscis.dhs.gov

[Panangkontra iti Panangallilaw ken Panangabuso iti Programa nga H-2B Visa](#)

Email: ReportH2BAbuse@uscis.dhs.gov

- **Departamento iti Trabaho iti U.S., Dibisyon iti Sweldo ken Oras (DOL/WHD)**

Idurdur-as iti DOL iti panagtulnog kadagiti pagrukodan maipanggep it trabaho tapno maprotektahan ken mapaimbag iti kasasaad dagiti trabahador ditoy U.S., agraman iti panangpatungpal dagiti pagrukodan iti trabaho ken proteksyon dagiti agrabtrabaho iti adu nga programa a mangmangted trabaho kadagiti gangannaet.

Numero libre nga telepono para iti trabahador 1-866-487-9243 (TDD para iti tuleng ken marigrigatan a makadenggeg: 1-877-889-5627) Addaan iti madawat a tulong iti adu a lengguahe babaen dagiti live a mangipatarus iti sao.

[Kasano iti Panag-file ti Reklamo](#)

Tapno agi-report iti at-atapen a panaglabsing iti maysa a pagtrab-trabahoan, usaren iti [Form WH-4](#).

- **Departamento iti Hustisya iti U.S., Seksyon Maipanggep iti Karbengan Dagiti Gangannaet ken Trabahador (DOJ/IER)**

Ipatpatungpal iti IER iti anti-discriminasyon a probisyon iti Akto maipangged iti Gangannaet ken Nasyonalidad (INA), 8 U.S.C. § 1324b Masarakan dagiti paglintegan para iti daytoy a linteg idiy 28 Koda iti Federal nga Regulasyon (CFR) part 44. Iparparit daytoy a pederal a linteg dagiti:

- Diskriminasyon iti estado ti citizenship no agabang iti trabahador, agikkat iti trabahador, agbirok iti trabahador ken agrekomenda iti trabahador para iti bayad;
- Diskriminasyon iti naggappuan nga ili no agabang iti trabahador, agikkat iti trabahador, agbirok iti trabahador ken agrekomenda iti trabahador para iti bayad;
- Dagiti saan a patas nga aramid bayat iti panagberipika iti pannakaikari iti trabaho (Form I-9 ken E-Verify); ken
- Panangibales ken panangbutbuteng.

Numero libre nga telepono para iti trabahador: 1-800-255-7688 (TDD 1-800-237-2515). Addaan iti madawat a tulong iti adu a lengguahe babaen dagiti live a mangipatarus iti sao.

[Kasano ti Panag-file iti Reklamo idia IER](#)

Email: ier@usdoj.gov

- **Panangpatungpal iti Ganggannaet ken Kustoms, Imbestigasyon iti Seguridad iti Lupa iti Balay (ICE/HSI)**

Iti focus iti estratehiya iti ICE maipanggep ti panangpatungpal iti linteg idia pagtrabtrabahoan ti kriminal a pannakausig dagiti pagtrabtrabahoan a simumulagat a mangup-upa dagiti indibidwal a saan nga awtorisado nga agrabaho iti Estados Unidos. Agus-usar met iti ICE dagiti 1-9 audit ken sibil a multa tapno allukuyen iti panangtungpal ti linteg. Kadaywan a mairaman kadagiti imbestigasyon ti panangpatungpal iti linteg idia pagtrabtrabahoan dagidiay kadaksan a panaglabsing dagiti pagtrabtrabahoan kadagiti kriminal a linteg ken dagiti nasaknap a panang-abuso. Dagitoy nakuna a kaskaso ket kadaywan a mainaig kadagiti panaglabsing kas dagiti panagpuslit dagitigangannaet, panagkompok dagiti gangannaet, dokumento wenno sabali a panangallilaw, money laundering, wenno panagsamantala iti trabahador. Im-imbestigahan pay iti ICE dagiti pagtrabtrabahoan a mangpuer-puersa, mangbutbuteng, ken mangpilit kadigiti trabahador (kas pangarigan panangbutbutengda a mai-deport da) tapno malappedan dagiti saan nga awtorisado a trabahador a gangannaet a mangipulong iti nababbaba ngem iti kadaywan a sueldo wenno dagiti madi a kondisyon idia pagtrabtrabahoan da.

Numero iti libre nga telepono para iti trabahador: 1-866-347-2423 iti U.S. ken Canada. Adda tulong iti Ingles ken Espanyol.

[Online nga Form iti tip maipanggep iti HSI](#)

- **Komisyon iti Patas a Oportunidad nga Makasarak iti Trabaho (EEOC)**

Ipatpatungpal iti EEOC dagiti pederal a linteg a mangiparparit iti diskriminasyon idia trabaho. Protprotektaan dakayo dagitoy a linteg kontra iti diskriminasyon no maipapan dagiti:

- Saan a patas a pannakatrato gapu ti pulim, maris, relihiyon, seks (mairaman no masikog ka, pinilim a gender, ken iti sekswal nga oryentasyon), naggappuan nga ili, edad(40 wenno nangatngatu pay), kinaawan mabalina, wenno genetic nga impormasyon;
- Dagiti panangpipit dagiti manager, katrabahoan, wenno dadduma pay a tao idia pagtrabtrabahoan gapu ti pulim, maris, relihiyon, seks (agraman iti panagsikog, pinilim

nga gender, ken iti sekswal nga orientasyon), naggappuan nga ili, edad(40 wenno nangatngato pay), kinaawan mabalin, wenno genetic nga impormasyon;

- Panangimot iti inkalintegang nga akomodasyon idia'y trabaho a kasapulam gapu iti relihiyon a pammati wenno kapansanam; ken
- Panangibales gapu ta nagreklamo ka maipanggep iti diskriminasyon iti trabaho wenno timmulong iti maysa nga imbestigasyon wenno kaso maipapan diskriminasyon.

Numero iti libre nga telepono para iti trabahador: 1-800-669-4000 (TDD 1-800-669-6820). Addaan iti madawat a tulong iti adu a lengguahe babaen dagiti live a mangipatarus iti sao.

[Panag-file ti Reklamo ti Diskriminasyon](#)

Email: info@eeoc.gov

- **Nasyonal a Grupo iti Relasyons Maipanggep iti Trabaho (NLRB)**

Iti NLRB ket maysa nga independiyente nga pederal nga ahensiya nga naikkan pannakabalin a mangprotekta kadagiti karbengan dagiti trabahador nga agorganisa ken mangikeddeng no mabalin nga agusar iti unyon nga agbalin a pannakabagida iti panagtawar maipapan dagiti benepisyo iti trabaho. Aggungunay met daytoy nga ahensiya iti panaglapped ken panagremedyo iti saan a patas a tignay dagiti pagtrabtrabahoan ken unyon iti pribado a sector.

Numero iti libre nga telepono para iti trabahador: 1-844-762-NLRB (6572)

Panangipuslit iti Tao

Mairaman iti panangipuslit iti tao ti pag-usar it puersa, panangallilaw, wenno panagpilit tapno makaala iti dadduma nga klase ti trabaho wenno agkalakal iti bagi da para makipag-sex. Iti panangipuslit iti tao, nga maaw-awag met a trafficking in persons, ket maysa nga langa iti a panagadipen iti baro-a-panawen a panagallukoy kadagiti indibidwal dagiti trafficker dagiti kari nga saan nga pudno a panagtrabaho ken iti nasaysayaat a biag.

No madi iti panannakatratom ditoy Estados Unidos, awagam iti Nasyonal a Telepono Maipanggep iti Panangipuslit iti Tao iti 1-888-373-7888 wenno ag-text ti "HELP" wenno "INFO" iti 233733 (BeFree). Mabalin ka met nga agited ti tip idia'y website iti NHTRC idia'y <https://traffickingresourcecenter.org/report-trafficking>

Para kadagiti dadduma pay nga impormasyon no kasano ti itsura iti panangipuslit iti tao, kasano ti panangipulong ti at-atapen a trafficking, wenno sino iti maawagan a makatulong no mamatika a sika wenno iti maysa a tao ket biktima iti trafficking, mapan iti:

- **Departamento iti Seguridad iti Lupa iti Balay (DHS) Asul a Kampanya**

Iti [Asul a Kampanya](#) ket pinagkakaysa nga boses para iti panagsiksikap ti DHS a mangpasardeng iti panangipuslit iti tao. Ti pannakitulong iti pulis, gobyerno, saan a taga-gobyerno ken dagiti pribado nga organisasyon, agaggaget iti Asul a Kampanya tapno maprotektaan iti kangrunaan a karbengan a wayawaya ken isango iti hustisya dagidiay agsamsamantala dagiti biag iti tao.

Adu dagiti nadumaduma nga materyales a mabasa iti nadumaduma a lengguahe idiay online nga [Biblioteca iti Dokumenta](#) iti Asul a Kampanya.

- **Federal nga Buro Maipanggep iti Imbestigasyon (FBI)**

Imimbestagaran iti programa iti FBI maipanggep dagiti Sibil a Karbengan dagiti banag a pakairamanan iti [panangipuslit iti tao ken saan a boluntaryo a panagserbi](#). Mairaman ditoy dagiti pasamak a ti maysa a tao ket napilit nga agpartisipar iti kalakal iti bagi da tapnu makipag-sex, babaen iti puersa, panagallilaw, wenno panagpilit, wenno agaramid dagiti aniaman a trabaho wenno serbisyo babaen iti puersa, panagallilaw, panagpilit, wenno panangbutbuteng ti linteg wenno legal a proseso.

Kadaywan, dagiti kaso iti panangipuslit iti tao ket adda kadagiti sumaganad nga paset ti imbestigasyon:

- *Panangipuslit Dagiti Nataengan* : No ti maysa a tao ket napilitan a makipartisipar iti pagkalakal iti bagi da tapnu makipag-sex, babaen ti wagas ti puersa, panagallilaw, ken/wenno panagpilit.
- Iti [Seksyon iti FBI Maipanggep iti Narungsot nga Krimen nga Inaremid iti Ubing](#) iti agagigiggem iti isyu maipanggep dagiti agipuspuslit iti ubing para iti sex.
- *Panangipuslit Dagiti Gangannaet a Nataengan ken Ubbing tapno Agkalakal iti Sex*: No dagiti nataengan ken ubbing ket napilit a makipartisipar iti pagkalakal iti bagi da tapnu makipag-sex nga adda koneksyon iti Estados Unidos babaen iti puersa, panagallilaw, ken/wenno panagpilit.
- *Panangpilit nga Agrabaho*: No ti maysa a tao, agraman iti gangannaet, ket napilitan nga agrabaho iti dadduma nga serbisyo wenno industriya babaen iti puersa wenno panagpilit. Mairaman ditoy dagiti panagrabaho a kas katulong iti balay para kadagiti pamilya wenno balay , babaen iti panangpilit wenno panangpuersa.

Basaen iti [brosyur nga Tulong para dagiti Biktima iti Pagpupuslit Tattao \(PDF\)](#) iti FBI para kadagiti dadduma pay nga impormasyon.

Numero iti libre nga telepono para iti trabahador: 1-800-225-5324. Adda tulong a madawat makasarita iti Ingles ken Espanyol, wenno mabalin mo met nga usaren iti [Online nga Tip Form iti FBI](#)

Maudi nga Binasa/Sinukatan: 12/21/2018